

Улуус: Мэнэ – Ханалас улууһа
Оскуола: МБУӨТ “С.Н.Михайлов аатынан
Чыамайыкы орто оскуолата”
Учуутал : Алексеева Татьяна Романовна,
алын кылаас учуутала

**“Үйэ сааскынан, тапталлаах оскуолам -
Чыамайыкым кыһата!”
литературно – художественный монтаж
сценарийа**

Сыала: Төрөөбүт оскуола историятын,
үлэлээн – үөрэнэн ааспыт дьонун
билиһиннэри, кинилэринэн киэн туттуу
санаатын иитии; оҕо чуолкайдык сангарар –
ингэрэр дьобурун, сценической культураны
сайыннары.

Кыттааччылар: алын сүһүөх
үөрэнээччилэрэ,

Оруолларга: 1 оҕо – вахтер, 1 оҕо – учуутал,
атыттар – үөрэнээччилэр.

Туттуллар матырыяал: презентация,
фонограммалар

(бары киирэн тураллар)
Санаан ааһын оҕо сааспыт
Саамай күндү ойор күнүн
Оскуолаттан олук ууран
Айан суолун туппуккутун.

(ырыа
Биһи көрдөөх оҕолорбут,
Биһи кыра кылаастарбыт,
Оҕо сааспыт биһигин
Оскуоланы уруйдуубут.
“Мы – веселые ребята” мелодията)

Бары – ыалдьыттарга,
Бырааһынныкка кэлбиттэргэ
100 сыллаах үбүлүөйүнэн
Итии –истин эбэрдэ!

Оҕо сааспыт биһигэ –
Чыамайыкы орто оскуолатын туһунан
Оонньоу – көр тылынан
Кэпсии – ипсии кэллибит.

(чуораан тыаһыыр)

Чугдаар – ыллаа, чуораан,
Аһылынна киэн аан

Оскуолабыт, дорообо,
Анна Ивановна, дорообо!

Вахтер: Улаханник, киһи истэр гына
дорооболоһун! Хайа, иккис атаһың
аҕаллың дуо?

Оҕо: Аҕалан.

Вахтер: Ханна баарый?

Оҕо: Бу кэтэ сылдыбын. (атаһың көрдөрөр)

(чуораан тыаһыыр, учуутал мичээрэ слайд
көстөр)

Учуутал: -Дорооболорун,оҕолор!

- До – роо – бо!
- Ким суоҕуй?
- Ариша – Дьокуускайга, Вова
– Майаҕа.
- Оттон Юля?

- Оттон.. оттон Юля диэн кыыс баара
буоллар, мин эмиэ кыыстаах буолуом этэ...

Учуутал: Хатылааһын. Бүгүн, о.э. ахсынны
24 күнэ аан дойдуну историятыгар туох бэлиэ
күнү?

Оскуолаҕа – үбүлүөй
Үөрүү – көтүү үгэнэ,
Оҕо уонна улахан
Үмүрүһэр түгэнэ.

Урут манна үөрэммит,
Үлэлээбит дьон мустар,
Убаастаспыт- ахтыспыт
Үксэ кэлэн мунньустар.

- Хайдах? (маасканы көрдөрөр)
- Инстаграмна, ютубка
- Кулууп дьиэҕэ, оскуолаҕа,
- Оттон сорохтор?
- Үбүлүөй сонун (кулгаахтарын тоһуйаллар)

Учуутал: Оскуола сайдыытын кэрдиис
кэмнэрэ ханныктарый?

1921 - 22 сыл.
Хайахтаахха Кээйэ Ньюкууһун дьиэтигэр – 2
группалаах оскуола .

1923- 24 сыл.

Маарга Чоппуу дьиэтигэр 2 группалаах
оскуола.

1925-26 сыл
Даркылаахха - 4 группалаах оскуола

1962 сылтан
Даркылаахха - 8 кылаастаах оскуола.

1969- 70 сыл- 8 кылаастаах саҥа оскуола
дьиэтэ

1972 сыл.
Оскуолаҕа сыһыары – Спортзал.

1996- 1997 сыл - орто оскуола статуһун
ылбыта.

1992-1998 сс- “Дьулуур” эти – сиини эрчийэр
киин.

2003 сыл - Орто оскуола саҥа дьиэтэ
нэһилиэк күүһүнэн тутулар.

2017 сылтан оскуолабыт
бары: Савва Николаевич Михайлов аатын
сүгэр.

Учуутал: Ааспыт үйэттэн оскуола тугунан
киэн туттар?

Үөрэх – билии туһа диэн
Кыстык дьиэтин
Бэлэхтээбит
Нэһилиэк сис баайа
Николай Петрович Михайловынан
– Кээйэ Ньюкууһунан!

Аҕатын тылыгар киллэрбит,
Оскуоланы астарбыт
Учуутал идэлээх
Савва Николаевич Михайловынан!

Билии киэн аартыгар
Маннай суолу аспыты
Умнубаттар, саныллар,
Киэн тутта ааттыллар –
Директордары, завучтары. (слайд)

Ырыа: Бу кини, бу кини
Күндү хара көстүүмнээх,
Халын паапка кыбыныылаах
Бу – кини.

Күнүһү да түүнү
Аахсыбакка үлэлиир,
Оскуола туһугар кыһаллааччы.

Мэлдьи махтана саныыбыт
Маннайгы учууталларбытын (слайд)

Ырыа: (“Чебурашка” мелодиятынан)
Буукубаны холбуурга,
Үөрэппитэ дьаныһан,
Ааҕарга, суруйарга
Элбэхтик эрчийбитэ,
Түргэнник толкуйдуурга,
Задачаны суоттуурга
Үөрэппитэ бастакы, бастакы учуутал!

Сырдык санаалаах, үтүө майгылаах
Кылааспыт салайааччыларын.
(слайд)

Ырыа: (“Голубой вагон”)
Ийэбитин оскуолаҕа солбуйбут
Кини буолар - тапталлаах киһи,
Биһигини кытта тэннэ
Үөрэр – хомойор,
Мэлдьи бииргэ сылдыар киһибит.

Чыамайыкыбыт оскуолатыттан
Куорсун анһынан тахсыбыт
Үлэ араас салааларын
Туйгуттарын, чулууларын
(слайд)

Ырыа:
Үлэлииргэ, үүнэргэ
Дьоннуун тэннэ сылдыарга
Такайбыт эбиккин
Төрөөбүт оскуолам.

Оскуолабыт киэн туттар
Бастын үөрэнээччилэрин.
(слайд)

Ырыа: Тапталлаах оскуолам -
Чыамайыкым кыһата

Учуутал: Туох түмүккэ кэлэбитий?

Барҕа махтал, оскуолам,
Биһигини үөрэппиккэр,
Үрдүккэ – кэрэҕэ
Угуйан таһааркар! (ырыа)

(учуутал оҕолору кэрийэ сылдьан ыйытар)

Учуутал: Салгыы барабыт.
-36 дм хас сантиметрга тэннэхэрий?
- 360см
- Найди корень в слове водовоз.
- Вода и воз
- Суумкаттан диэн аат тыл ханнык түһүккэ турарый?
- Таһаары түһүк.
- Хас материк баарый?
- Алта.
- Маладьыастар! Уруок бүттэ. Билигин сыана туруоруу.

Олох сайдыы кыһата
Оскуолабыт мэлдьитин
Күммүт баарын тухары
Көлүөнэни иитиэхтин!

Оҕолор: Миэхэ хаһый? Миэхэ хаһый?
Учуутал: Барыгытыгар - “5”!
Оҕолор: Оо, диско – диско, дискотека!
Учуутал: Тохтоон эрэ, тохтоон. Чуумпурун!
Төрөппүттэргит оскуолаҕа кэллиннэр.
Оҕо: - Маама, оскуолаҕа кэлэр үһүгүн.
Оҕо: - Паапа, ау, ау, паапа...
Бары: - Оскуолаҕа бара сылдыар үһүгүн...
(чуораан тыаһыыр)
Оҕолор: Уруок бүттэ! Ураа, аһы бардыбыт.
Остолобуойга ким урут тийэр эбитий?
(миэстэлэригэр туран сүүрэллэр)
- Биһиэхэ итии мииннэ.
- Бэрэскитэ! Салатта!
- Сокта, морста, фруктата!
- Оттон биһиэхэ мороженайда!
- Баһыыба!
Учуутал: (нэһиилэ киирэр):
- Туох эмэ орто дуо? Баһаалыста,
учууталларга...

(чуораан тыаһыыр, бары стройдуулар)

Учуутал: (сотовайынан “эрийэр”, сотовай тыаһа)
- Дистанционной үөрэх.

Оҕолор: (ырыа):
Оо, дьэ эмие саҕаланна
Смс, ватсап үөрэхпит,
Оо, дьэ хаһан атыттардыы
Интернеттээх буолабыт?
Кэтэхэбит, эрэнэбит!

Умнуом суоҕа хаһан да
Чыамайыкы орто оскуолатыттан
Эрбэллээхтээн – сэрбэллээхтээн
Оҕо сааһым одуулурун –
Саамай кэрэ кэммин!